

**A**ls für ein grosse Anzahl Bauernhäuser / derselben Höf / Stadel / Speicher / Wayer : vnd Güllhöf / so wolen Dörffer / ja ganze Flecken / (.durch das so lang gewehrte Kriegswesen.) nicht allein spoliert / außgeplündert / zerschlagen / verwüestet / sonder zum theil gar in die Aschen gelegt / vnd also zu nichten gemacht worden (.so nun herzlich zubetrawren / beneben mit den nothleidenden ein Christliches mitleiden zutragen / ihnen guten Rath / neben der That / mitzutheilen / damit sie doch widerumben zu rhue / vnder das Dach gelangen mögen.) das ist zuvor aller Welt / ohne längern Discurs , nur gar zu wol bewust. Der Zweck hie zugegen aber / gehet vilmehr dahin / wie man dann anjese dieselbige mit geringem Vnkosten / gutten commoditeren (. sintemahlen wie vernünftig zuschliessen / daß die so bequeme Gelegenheiten / in dergleichen Gebäwen / den grösten Vorthel / vmb die Leibsträfften / so vil immer möglich / geschehen kan / zuersparen / beneben auch sonderbare Nusbarkeiten mitbringen ) also von newem erbawen fündte / damit vnd daß der zuvor schon abgematete arme Bauersmann / mit seinem Weib vnd Kindern / Knecht / Mägd / Bihe / vnd aller Zubehör / durch vil vergeblich : vnd vnnussem vmb lauffen / sich nicht behölligen / sonder allegermassen wol accommodirt , ja vil besser / dann sie es selber nit verstehn / angestellt vnd erbawet seye / alsdann so werden sie mehr lust vnd Liebe gewinnen / ihrem ordenlichen Adamischen / Gott wolgefelligen / vnd dem Nebenmenschen zu nusen dienendem Beruff / neben gutter Gesundheit / vnd langwirigem Bestandt abzuwartten.

Dann was kan doch in disem Standt bessers vnd nuslichers seyn / als das Gebäw solcher gestalt anzulegen / vnd außzutheilen / das hernach mit wenigem Gesinde / neben geringer mühe / dann alles Volck / sampt dem Bihe / welche samentlichen dann solchen Feldbaw führen müssen / vnder einem einigen Dach / auff einem einigen Boden / ohne steigung einiger Stiegen / einlofiert / gutte Rhue vnd bequeme Ligerstatt haben / zuvorderst aber das Feur vnd Liecht wol verwahrt werden könne. Alsdann durch solche bequemlichkeiten / insonderheit aber zu Nachtszeiten mit disem eigenen ganz beschlossenen Mayrhoff / so wird der Baur zu seinem thun recht sehen / das Gesinde in Gottsforcht regieren / auch Glück vnd Segen zu erwartten habē.

E

Conf-